

任中敏
編訂

中華書局印行

龐子

天國二百四

任中敏編
前重訂

元曲三百首

中華書局印行

民國三十四年一月渝初版


元曲三百首（全一冊）

渝版漂白紙



☆☆☆☆定價國幣一元☆☆☆☆

（郵運匯費另加）



編者 任中敏

重訂者 盧前

發行人 李叔明

重慶民權路四十一號

印刷者 中華書局印刷廠

重慶愛李子壩

發行所 各埠中華書局

序

昔吳公子札觀周樂，聞大雅，曰：曲而有直體。頌，則曰：曲而不屈。前嘗假直不屈二義，論有元之曲。夫唐詩宋詞元曲，自時代言之者，各有其所勝。然詩必雅正，詞善達變，情變，曲則莊諧並陳，包涵恢廣。自體製言之，亦各有其專至，不相侔也。惟詩在唐後，一再演變，雖曰未窮，途徑之繁闢殆盡。若詞隨宋亡而亡，形體徒存，不復能別開異境。獨曲未造極；世稱元曲，顧曲實匪元所能盡耳。往往南都，中敏有元曲三百首之輯，蓋踵衛塘居士之於唐詩，彌村翁之於宋詞而爲者。時元曲傳本，廬有楊朝英二選，與天一閣藏樂府羣玉；諸家別集，及樂府新聲，尙未得見；故卷中所錄，頗不稱。或二三首，或十數首，而張可久多至七十二首。選錄初畢，殊未自慊。今年，前從閩海還渝城，居北碚山館，纂全元曲二百二十八卷成，因取中敏舊選，略加刪定，去南都始訂茲編且十七年矣。而今日之世，爲五千年來所未曾睹，凡百舊文，何足狀當前情事萬一！描影續聲，惟酣暢淋漓，直不屈之曲體，其庶幾乎！是涵泳無妨元曲之中，而取材必在元曲之外。元曲三百首者，聊備體格，供來者之翫索而已。

民國三十二年雙十節廬前

元曲三百首目錄

伯顏一首	張九元帥一首	元好問一首	王惲一首	倪瓚三首	虞集一首	張鳴善一首	孟昉一首	關漢卿六首	白樸六首	馬致遠三十二首	王伯成一首	王德信二首	楊果二首
一	一	一	二	二	三	三	三	三	四	六	〇	〇	一

劉秉忠三首	王鼎三首	盡志學四首	陳草庵一首	劉敏中二首	滕賓一首	李乘二首	胡祇通一首	盧摯八首	珠簾秀一首	姚燧二首	馮子振三首	貫雲石五首	劉致二首
一一	一二	一三	一三	一四	一四	一四	一五	一五	一七	一七	一七	一八	一九

元曲三百首

喬吉三十首	二〇
周文質二首	二五
趙善慶一首	二五
張可久四十二首	二六
徐再思十三首	三三
曹明善三首	三五
高克禮二首	三五
鍾嗣成二首	三六
張養浩四首	三七
劉庭信七首	三八
汪元亨七首	三九
周德清二首	四一
任昱一首	四一
李致遠三首	四一
馬九皋九首	四二
鄧玉賓二首	四四

查德卿十首	四四
吳西逸四首	四五
孫周卿三首	四六
王元鼎一首	四七
阿魯威一首	四七
衛立中一首	四七
李伯瞻一首	四七
趙顯宏四首	四八
景元啓十首	四九
趙祐一首	四九
呂止軒一首	四九
吳仁卿二首	四九
錢霖二首	五〇
顧德潤一首	五〇
曾瑞一首	五〇
楊朝英三首	五一

劉燕歌一首	五一
與敦周卿一首	五二
阿里西瑛一首	五二
鮮于必仁二首	五二
張子堅一首	五三

馬謙齋一首	五三
薛昂夫二首	五三
嚴忠濟一首	五四
無名氏三十五首	五四—六〇

元曲三百首

江都任中敏初編
金陵盧前重訂

伯顏一首

喜春來

金魚玉帶羅襪扣。皂蓋朱幡列五侯。山河判斷在俺簪尖頭。得意。分破帝王憂。

張九元帥一首

喜春來

金裝寶劍藏龍口。玉帶紅絨掛虎頭。綠楊影裏驟驄驄。得志秋。名滿鳳凰樓。(蔣一葵云，師才相量，各言其志。)

元好問一首

驟雨打新荷

人生百年有幾。念良辰美景。一夢初過。窮通前定。何用苦張羅。命友邀賓翫。對芳尊淺

元曲三百首

酌低歌。且酩酊。任它兩輪日月。來往如梭。

王惲一首

小桃紅 平湖樂十之一

採菱人語隔秋煙。波靜如橫練。入水風光莫流轉。共留連。畫船一笑春風面。江山信美非吾土。問何日是歸年。

倪瓚二首

人月圓

傷心莫問前朝事。重上越王臺。鷓鴣啼處。東風草綠。殘照花開。悵然孤嘯。青山故國。喬木蒼苔。當時明月。依依素影。何處飛來。

折桂令 擬張鳴善

草茫茫秦漢陵闕。世代興亡。却便似月影圓缺。山人家堆案圖書。當窗松桂。滿地薇蕨。侯門深何須刺謁。白雲自可怡悅。到如今世事難說。天地間不見一個英雄。不見一個豪傑。

凭闌人 贈吳國良

客有吳鄉吹洞簫。明月沈江春霧曉。湘靈不可招。水雲中環珮搖。

虞集一首

折桂令 三國蜀漢事

鸞輿三顧茅廬。漢祚難扶。日暮桑榆。深渡南瀟。長驅西蜀。力拒東吳。美乎周渝妙術。悲夫關羽云殂。天數盈虛。造物乘除。問汝何如。笑賦新歎。

張鳴善一首

水仙子

鋪眉苦眼早三公。裸袖揎拳享萬鍾。胡言亂語成時用。大綱來都是哄。說英雄誰是英雄。五眼鷄岐山鳴鳳。兩頭蛇南陽臥龍。三腳貓渭水飛熊。

孟昉一首

天淨沙 七月

星依雲渚濺濺。露零玉液涓涓。寶砌衰蘭翦翦。碧天如練。光搖北斗闌干。

關漢卿六首

元曲三百首

元曲三百首

四

沈醉東風

伴夜月銀箏鳳閣。暖東風繡被鴛幃。信沉了魚。書絕了雁。盼離鞍萬水千山。本利對相思若不還。只告與那鶯索債愁釐淚眼。

碧玉簫

盼新期。劃開短金篦。一捻腰圍。寬褪素羅衣。知他是甚病疾。好教人沒理會。揀口兒食。陡恁的無滋味。醫。越恁的難調理。

大德歌

風飄飄。雨蕭蕭。便做陳搏也睡不著。懊惱傷懷抱。撲藏藏淚點兒拋。秋蟬兒噪罷寒蛩兒叫。漸落寒細雨灑芭蕉。

四塊玉 閑適二首

舊酒沒。新醅潑。老瓦盆邊笑呵呵。共山僧野叟病吟和。他出一對雞。我出一箇鵝。閑快活。南畝耕。東山臥。世態人忙經歷多。閑將往事思量過。賢的是他。愚的是我。爭甚麼。

四塊玉 別情

自送別。心難捨。一點相思幾時絕。凭闌袖拂楊花雪。溪又斜。山又遮。人去也。

白樸六首

慶東原

忘憂草。含笑花。勸君聞早冠宜掛。那裏也能言陸賈。那裏也良謀子牙。那裏也豪氣張華。千古是非心。一夕漁樵話。

駐馬聽 舞

鳳髻盤空。綢娜腰枝溫更柔。輕移蓮步。漢宮飛燕舊風流。謾催鼙鼓品梁州。鸚鵡飛起春羅袖。錦纏頭。劉郎錯認風前柳。

寄生草 引

長醉後方何礙。不醒時有甚思。糟醃兩箇功名字。醉渰千古興亡事。麴埋萬丈虹霓志。不達時皆笑屈原非。但知音盡說陶潛是。

沉醉東風 漁父詞

黃蘗岸白蘋渡口。綠楊隄紅蓼灘頭。雖無別頸交。却有忘機友。點秋江白鷺沙鷗。傲殺人間萬戶侯。不識字的煙波釣叟。

醉中天 佳人黑痣

疑是楊妃在。怎脫馬嵬災。曾與明皇捧硯來。美臉風流殺。佞奈揮毫李白。覩著嬌態。灑松煙點破桃腮。

一半兒

雲鬢霧鬟勝堆鵝。淺露金蓮款綠紗。不比等閑牆外花。罵你個俏冤家。一半兒難當一半兒要。

馬致遠三十二首

水仙子 和盧疎齋西湖

春風驕馬五陵兒。暖日西湖三月時。管弦觸水鶯花市。不知音不到此。宜歌宜酒宜詩。山過雨顰眉黛。柳拖烟堆鬢絲。可戲殺睡足的西施。

撥不斷

曉寒儒。慢讀書。讀書須索題橋柱。題柱誰乘驪馬車。乘車誰買長門賦。且看了長安回去。

撥不斷

菊花開。正歸來。伴虎溪僧鶴林友龍山客。似杜工部陶淵明李太白。有洞庭柑東陽酒西湖蟹。呀。楚三閭休怪。

撥不斷

酒杯深。故人心。相逢且莫推辭飲。君若歌時我慢斟。屈原清死由他恁。醉和醒爭甚。

落梅風 遠浦歸帆

夕陽下。酒旆開。兩三航未曾著岸。落花香茅舍晚。斷橋頭賣魚人散。

落梅風

心閒事，說與他。動不動早言兩罷。罷字兒謬可可你道是要。我心裏怕那不怕。

落梅風

人初靜。月正明。紗窗外玉梅斜映。梅花笑人偏弄影。月沉時一般孤另。

落梅風

實心兒待。休做謊話兒猜。不信道爲伊曾害。害時節有誰曾見來。瞞不過主腰羅帶。

落梅風

薔薇露。荷葉雨。菊花霜冷香庭戶。梅梢月斜人影孤。恨薄情四時辜負。

落梅風

因他害。染病疾。相識每勸咱是好意。相識每若知咱底裏。和相識也一般憔悴。

小桃紅

畫堂春暖總幃重。寶篆香微動。此外虛名要何用。醉鄉中。東風喚醒梨花夢。主人愛客。尋

常迎送。鸚鵡在金籠。

金字經

絮飛飄白雪。鮭香荷葉風。且向江頭作釣翁。窮。男兒未濟中。風波夢。一場幻化中。

金字經

元曲三百首

八

吹來西風裏。九天鵬翼飛。困煞中原一布衣。悲。故人知未知。登樓意。恨無上天梯。

折桂令 歡世

咸陽百二山河。兩字功名。幾陣干戈。項廢東吳。劉興西蜀。夢說南柯。韓信功兀的般證果。腳通言那裏是風塵。成也蕭何。敗也蕭何。醉了由他。

撥不闌

布衣中。同英雄。王圖霸業成何用。禾黍高低六代宮。楸梧遠近千家塚。一場惡夢。

撥不闌

莫謂狂。禍難防。尋思幾數非良將。直將齊邦掃地亡。火牛一戰幾乎喪。趕人休趕上。

慶東原 嘆世

明月圓旌旆。秋風助鼓鼙。帳前滴盡英雄淚。楚歌四起。烏騶漫嘶。虞美人兮。不如醉還醒。醒而醉。

清江引 野興二首

樵夫曉來山月低。釣叟來尋覓。你把柴斧拋。我把漁船棄。尋取個穩便處閑坐地。

綠蘂深繁羅袖滿。爲你。兩件兒都無濟。便作釣魚人。也在風波裏。則不如尋取箇穩便處閑坐地。

清江引

林泉隱居誰到此。有客清風至。會作山中相。不管人間事。爭甚麼半張名利紙。

清江引

西村日長人事少。一箇新蟬噪。恰待葵花開。又早蜂兒鬧。高枕上夢隨蝶去了。

四塊玉

酒旋沽。魚新買。清眼雲山畫圖開。清風明月還詩債。本是箇懶散人。又無經濟才。歸去來。

四塊玉 天台路

採藥童。乘鸞客。怨感劉郎下天台。春風再到人何在。桃花又不見開。命薄的窮秀才。誰教你去來。

四塊玉 馬嵬坡

睡海棠。春將晚。恨不得明皇掌中看。霓裳便是中原患。不因這玉環。引起那祿山。怎知蜀道難。

四塊玉 洞庭湖

畫不成。西施女。他本傾城却傾吳。高哉范蠡乘舟去。那裏是泛五湖。若綸竿不釣魚。便索他學楚大夫。

四塊玉 臨印市

美貌娘。名家子。白駕著個私奔坐車兒。漢相如才做文章士。愛他那一操兒琴。共他那兩句兒詩。便是改嫁時。

四塊玉 破世三首

帶野花。攬村酒。煩惱如何到心頭。誰能躍馬常食肉。二頃田。一具牛。飽後休。佐國心。拿雲手。命裏無時莫剛求。隨時過遣休生受。幾葉棉。一片綢。暖後休。帶月行。披星走。孤館寒食故鄉秋。妻兒胖了咱消瘦。枕上憂。馬上愁。死後休。

天淨沙

枯藤老樹昏鴉。小橋流水平沙。古道西風瘦馬。夕陽西下。斷腸人在天涯。

撥不斷

立峯巒。脫簪冠。夕陽倒影松陰亂。太液澄虛月影寬。海風汗漫雲霞斷。醉眠時小童休喚。

王伯成一首

喜春來

多情去後香留枕。好夢同時冷透衾。悶愁山重海來深。獨自寢。夜雨百年心。

王德信實甫二首

山坡羊 春睡

雲鬆螺髻。香溫鴛被。掩春闥一覺傷春睡。柳花飛。小瓊姬。一片聲雪下呈祥瑞。把團圓夢兒生喚起。誰。不徹美。吓。却是你。

十二月堯民歌 別情

自別後遙山隱隱更堪遠。水瀲灩。見楊柳飛綿滾滾。對桃花醉臉醺醺。透內閣香風陣陣。掩重門暮雨紛紛。怕黃昏不覺又黃昏。不銷魂怎地不銷魂。新啼痕壓舊啼痕。斷腸人憶斷腸人。今春。香肌瘦幾分。縷帶寬三寸。

楊果二首

小桃紅 深避女

探蓮人和採蓮歌。柳外蘭舟過。不管鴛鴦夢驚破。夜如何。有人獨上江樓臥。傷心莫唱。南朝舊曲。司馬淚痕多。探蓮湖上掉船迴。風約湘裙翠。一曲琵琶數行淚。望君歸芙蓉。開盡無消息。晚涼多少。紅鴛白鷺。何處不雙飛。

劉秉忠三首

元曲三百首

乾荷葉

乾荷葉。色蒼蒼。老柄風搖蕩。減清香。越添黃。都因昨夜一場霜。寂寞在秋江上。

乾荷葉

乾荷葉。色無多。不耐風霜到。貼秋波。倒枝柯。宮娃齊唱採蓮歌。夢裏繁華過。

乾荷葉

南高峰。北高峰。慘淡烟霞洞。宋高宗。一場空。吳山依舊酒旗風。兩度江南夢。

王鼎三首

醉中天 大酺

彈破莊周夢。兩翅駕東風。三百座名園一採一箇空。難道是風流孽種。嚇殺尋芳的蜜蜂。輕輕搦動。把賣花人掃過橋東。

一半兒 題情

鵝翎般水鬢似刀裁。小顰顰芙蓉花額兒窄。待不梳粧怕娘左猜。不免插金釵。一半兒鬚鬆一半兒金。

一半兒

別來寬褪縷金衣。粉悴烟憔減玉肌。淚點兒只除衫袖知。盼佳期。一半兒纔乾一半兒濕。

盡志學四首

小桃紅 西園秋暮

玉簪金菊露凝秋。隱出西園秀。煙柳新來爲誰瘦。暢風流。醉歸不記黃昏後。小槽細酒。錦堂晴畫。拚却再扶頭。

小桃紅 江岸水燈

萬家燈火鬧春橋。十里光相照。舞鳳翔鸞勢絕妙。可憐宵。波間湧出蓬萊島。香烟亂飄。笙歌喧鬧。飛上玉樓曉。

小桃紅 空齋夜期

綠雲冉冉鎖清窗。香徹東西岸。客課今年九年辦。廝追攀。渡頭買得新魚雁。杯盤不乾。歡欣無限。忘了大家難。

小桃紅 題詞

杏花開後不當時。敗盡遊人興。紅雪飛來滿芳徑。問春鶯。春鶯無語風方定。小蠻有情。夜涼人靜。唱徹醉翁亭。

陳章庵一首

山坡羊

元曲三百首

晨雞初斗。昏鴉爭噪。那個不去紅塵鬧。路迢迢。水迢迢。功名盡在長安道。今日少年明日老。山。依舊好。人。憔悴了。

劉敏中二首

黑漆弩 村居遣興

高巾閣領深村住。不讀我農作僉父。掩白沙翠竹柴門。聽微秋來夜雨。么間將得失思量。往事水流東去。便直教洗却淩煙。還是功名了處。

又

吾翁恰近江陽住。更幾個好農父。對青山枕上詩成。一陣沙頭風雨。么酒旗只隔橫塘。自過小橋沽去。儘疏狂不怕人嫌。是我生平喜處。

滕賓一首

普天樂

嘆光陰。如流水。區區終日。枉用心機。辭是非。絕名利。筆硯詩書爲活計。樂蠶鹽稚子山妻。茅舍數間。田園二頃。歸去來兮。

李乘德載二首

喜春來 贈茶肆十之一

茶煙一縷輕輕颺。攪動蘭膏四座香。烹煎妙手賽維揚。非是謊。下馬試來嘗。
金盞滿勸羊羔酒。不似靈芽泛玉甌。聲名喧滿岳陽樓。誇妙手。博士使風流。

胡祇適一首

沉醉東風

漁得漁心滿願足。樵得樵眼笑眉舒。一個罷了釣竿。一個收了斤斧。林泉下偶然相遇。是兩個不識字漁樵士大夫。他兩個笑伽伽的談今論古。

盧學八首

節節高 題洞庭慶角廟壁

雨晴雲散。滿江明月。風微浪息。扁舟一葉。半夜心。三更夢。萬里別。悶倚篷窗睡些。

金字經 宿鄆驛

夢中鄆鄆道。又來走這遭。須不是山人索價高。時自嘲。虛名無處逃。誰驚覺。曉霜侵鬢毛。

殿前歡

元曲三百首

酒杯濃。一葫蘆春色醉疎翁。一葫蘆酒壓花梢重。隨我奚童。葫蘆乾興不窮。誰人共。一帶青山送。乘風列子。列子乘風。

落梅風 別珠簾秀

纔歡悅。早別。請教他好難割捨。畫船兒載將春去也。空留下半江明月。

黑漆弩 晚泊采石磯賦用不佞黑漆弩因次其韻

湖南長憶峯南住。只怕失約了巢父。艤歸舟喚醒湖光。聽我篷窗春雨。么故人傾倒襟期。我亦載愁東去。明朝來黯別江濱。又弭檣蛾眉晚處。

沉醉東風 秋景

掛絕壁松梢倒倚。落殘霞孤鶩齊飛。四圍不盡山。一望無窮水。散西風滿天秋意。夜靜雲帆月影低。載我在瀟湘畫裏。

沉醉東風 閑居

恰離了綠水青山那搭。早來到竹籬茅舍人家。野花路畔開。村酒糟頭榨。直吃的欠欠答答。醉了山童不勸咱。白頭上黃花亂插。

沉醉東風 重九

題紅葉清流御溝。賣黃花人醉歌樓。天長雁影稀。月落山容瘦。冷清清暮秋時候。衰柳寒蟬一片愁。誰肯教白衣送酒。

珠簾秀一首

落梅風 答疏齋

山無數。煙萬縷。憔悴煞玉堂人物。倚篷窗一身兒活受苦。恨不得隨大江東去。

姚燧二首

凭闌人 寄征衣

欲寄君衣君不還。不寄君衣君又寒。寄與不寄間。妾身千萬難。

陽春曲

筆頭風月時時過。眼底兒曹漸漸多。有人問我事如何。人海闊。無日不風波。

馮子振三首

鸚鵡曲

白無咎有鸚鵡曲云，儂家鸚鵡洲邊住，是個不識字漁父，浪花中一葉扁舟，睡煞江南煙雨，覺來時滿眼青山，抖擻綠鬟歸去，算從前錯怨天公。甚也有安排我處，余壬寅歲留上京，有北京伶婦御園秀之屬，相從風雪中，恨此曲無屬之者，且謂前後多親炙

士大夫，拘於韻度，如一個父字便難下語，又甚也有安排我處，甚字必須去聲字，我字必須上聲字，音律始諧，不然不可歌，此一節又難下語，諸公舉酒索余和之，以汴吳上郡天京風景試續之。

嵯峨峯頂移家住。是個不唧溜漁父。爛柯時樹老無花。葉葉枝枝風雨。故人曾喚我歸來。却道不如休去。指門前萬疊雲山。是不費青蚨買處。山亭逸興

江湖難比山林住。種果父勝刺漁父。看春花又看秋花。不管顛狂風雨。盡人間白浪滔天。我自醉歌眠去。到中流手脚忙時。只靠着柴扉深處。感事

春歸不戀風光住。向老拙問訊槎父。歎荏苒李白飄零。寂寞長安花雨。指滄溟鐵網珊瑚。袖捲釣竿西去。錦袍空醉墨淋漓。是萬古聲名響處。野客

貫雲石五首

落梅風

新秋至。人乍別。順長江水流殘月。悠悠畫船東去也。這思量起頭兒一夜。

紅繡鞋

挨著靠著雲窗同坐。看著笑著月枕雙歌。聽著數著怕著愁著早四更過。四更過情未足。情未足夜如梭。天哪。更闌一更妨甚麼。

殿前歡

暢幽哉。春風無處不樓台。一時懷抱俱無奈。總對天開。就淵明歸去來。怕鶴怨山禽怪。問甚功名在。酸齋笑我。我笑酸齋。

怕西風。晚來吹上廣寒宮。玉臺不放香奩夢。正要情濃。此時心造物同。聽甚霓裳弄。酒後黃鶴送。山翁醉我。我醉山翁。

塞鴻秋 代人作

戰西風。遙天幾點賓鴻至。感起我南朝千古傷心事。展花箋欲寫幾句知心事。空教我停霜毫半晌無才思。往常得興時。一掃無瑕疵。今日個病懨懨剛寫下兩個相思字。

劉致二首

山坡羊 燕城述懷

雲山有意。軒裳無計。被西風吹斷功名淚。去來兮。再休提。青山儘解招人醉。得失到頭皆物理。得。他命裏。失。咱命裏。

山坡羊 西湖醉歌次郭振卿韻

朝朝瓊樹。家家朱戶。驕嘶過沽酒樓前路。貴何如。賤何如。六橋都是經行處。花流水流深院宇。閑。天定許。忙。人自取。

喬吉三十首

水仙子 游福王府

笙歌夢斷蕤藜沙。羅綺香餘野棠花。亂雲老樹夕陽下。燕休尋王謝家。恨興亡怒煞鳴蛙。鋪錦池埋荒甃。流杯亭堆破瓦。何處也繁華。

水仙子 賦李仁仲韻懷翁

鬪排場經過樂回閑。勤政堂辭別撒會懶。急喉嚨倒喚學些慢。撥棹兒休上竿。夢魂中識破邯鄲。昨日強如今日。這番險似那番。君不見鳥倦知還。

水仙子 嘲少年

紙糊鍬輕吉列枉折尖。肉膠膠乾支刺有甚粘。醋葫蘆嘴古邦佯裝欠。接梢兒雖是詔。抱牛腰只怕傷廉。性兒神羊也似善。口兒蜜鉢也似甜。火塊兒也似情軟。

水仙子 思轉秋思京門賦

瑣窗風雨古今情。夢遶雲山十二層。香銷燭暗人初定。酒醒時愁未醒。三般兒挨不到天明。鳴地羅幃靜。森地鴛被冷。忽地心疼。

水仙子 尋梅

冬前冬後幾村莊。溪北溪南兩屐霜。樹頭樹底孤山上。冷風來何處香。忽相逢繡袂綰裳。酒

醒寒驚夢。箇悽春斷腸。淡月昏黃。

水仙子 暮春卽事

風吹絲雨。嚶窗紗。苦和酥泥弄落花。捲雲鉤月簾初掛。玉釵香徑滑。燕藏春銜向誰家。鶯老羞尋伴。蜂寒懶報衙。啼殺饑鴉。

水仙子 爲友人作

攪柔腸離恨病相兼。重聚首佳期卦怎占。豫章城開了座相思店。悶勾肆兒逐兒添。愁行貨頓塌在肩尖。稅錢比茶船上欠。斤兩去等秤上掂。喫緊的歷冊般拘鈴。

水仙子 怨風情

眼前花怎得接連枝。眉上鎖新教配鑰匙。描筆兒勾銷了傷春事。悶葫蘆鉸斷線兒。錦鴛鴦別對了箇雄雌。野蜂兒難尋覓。蠍虎兒乾害死。蠶蛹兒別罷了相思。

水仙子 詠雪

冷無香柳絮撲撲將來。凍成片梨花拂不開。大灰泥漫不了三千界。銀稜了東大海。探梅的心奈難捱。麴甕兒裏袁安舍。鹽罐兒裏黨尉宅。粉缸兒裏舞榭歌臺。

水仙子 嘲楚儀

順毛兒撲撒翠鸞雛。暖水兒溫存比目魚。碎甄兒疊就陽臺路。望朝雲思暮雨。楚巫娥偷取些工夫。殢酒人歸未。停歌月上初。今夜何如。

元曲三百首

一一一

水仙子 樂清簾臺

枕蒼龍雲臥品清簾。跨白鹿春醅醉碧桃。喚青猿夜拆燒丹竈。二千年瓊樹老。飛來海上仙鶴。紗巾岸天風細。玉笙吹山月高。誰識王喬。

折桂令 寄遠

怎生來寬掩了裙兒。爲玉削肌膚。香褪腰肢。飯不沾匙。睡如翻餅。氣若游絲。得受用遮莫害死。果誠實有甚推辭。乾開的多時。本是結髮的歡娛。倒做了徹骨兒相思。

折桂令 贈羅眞真

羅浮夢裏眞仙。雙鎖螺鬟。九疊珠鉤。暗柳纖柔。春葱細膩。秋藕勻圓。酒盞兒裏央及出些醺醺。畫幃兒上喚下來的嬋娟。試問尊前。月落參橫。今夕何年。

折桂令 七夕贈歌者二曲

崔徽休寫丹青。兩弱雲嬌。水秀山明。筋點歌唇。蔥枝纖手。好箇卿卿。水瀉不著春妝整整。風吹的倒玉立亭亭。淺醉微醒。誰伴雲屏。今夜新涼。臥看雙星。

黃四娘沽酒當壚。一片青旗。一曲騷珠。滴露和雲。添花補柳。梳洗工夫。無半點閑愁去處。問三生醉夢何如。笑倩誰扶。又被春纖。攪住吟鬚。

折桂令 雨窗寄劉夢鸞赴譙僧尊

妬韶華風雨瀟瀟。管月犯南箕。水滿天瓢。濕金縷鶯裳。紅膏燕嘴。黃粉蜂腰。梨花夢龍綃

淚今春瘦了。海棠魂羯鼓聲昨夜驚著。極目江皋。錦澗行雲。香暗歸潮。

折桂令 丙子遊越懷古

蓬萊老樹蒼雲。禾黍高低。狐兔紛紛。半折殘碑。空餘故址。總是黃塵。東晉亡也。西晉亡也。右軍。西施去也。絕不見甚佳人。海氣長昏。啼鴉聲乾。天地無聲。

殿前歡 登江山第一樓

拍闌干。霧花吹鬢海風寒。浩歌驚得浮雲散。細數青山。指蓬萊一望間。紗巾岸。顰慣。舉頭長嘯。直上天壇。

清江引 笑鬢兒

鳳酥不將腮斗兒勻。巧倩含嬌俊。紅鑄玉有痕。暖嵌花生暈。渴兒粉香都是。

賣花聲 悟世

肝腸百鍊爐間鐵。富貴三更枕上蝶。功名兩字酒中蛇。尖風薄雪。殘杯冷炙。掩青螺舍。

朝天子 小娃琵琶

暖煖。醉容。逼匝的芳心動。雛鶯聲在小簾櫳。喚醒花前夢。指甲纖柔。眉頭輕縱。曲未終。玉葱。翠峯。嬌怯琵琶重。

山坡羊 宮輿

鵬搏九萬。腰纏十萬。揚州鶴背騎來慣。事間關。景闌珊。黃金不富英雄漢。一片世間。白。也是眼。青。也是眼。

山坡羊 冬日宮懷二曲

朝三暮四。昨非今是。癡兒不解榮枯事。攬家私。寵花枝。黃金壯起荒淫志。千百鎔狀紙。身。已至此。心。猶未死。

冬寒前後。雪晴時候。誰人相伴梅花瘦。釣鼈舟。纔汀洲。綠蓑不耐風吹透。投至有鉤。風。吹破頭。霜。破皺手。

小桃紅 贈朱阿嬌

鬱金香染海棠絲。雲膩宮鴉翅。翠靨眉兒畫心字。喜孜孜。司空休作尋常事。邊服侍。誰敢想那些兒。

小桃紅 春閨怨

玉樓風颭杏花衫。嬌怯春寒賺。酒病十朝九朝嵌。瘦巖巖。愁濃難補眉兒淡。香消翠昏煙暗。芳草遍江南。

小桃紅 紹興于侯索賦

晝長無事簿書閑。未午衙先散。一郡居民二十萬。報平安。秋糧夏稅咄嗟兒辦。執花。凭琴堂書案。日日看青山。

小桃兒 曉妝

緒雲分翠擁香絲。玉線界宮鴉翅。露冷薔薇曉初試。淡勻脂。金篦膩點蘭煙紙。含嬌意思。滯人須是。親手畫眉兒。

凭闌人 金釵道中

瘦馬馱詩天一涯。倦鳥呼愁村數家。撲頭飛柳花。與人添鬢華。

天淨沙 卽事

鶯鶯燕燕春春。花花柳柳真真。事事風風韻韻。嬌嬌嫩嫩。停停當當人人。

周文質二首

落梅風

鸞鳳配。鶯燕約。感蕭娘肯憐才貌。除琴劍又別無珍共寶。只一片至誠心要也不要。

落梅風

樓臺小。風味佳。動新愁雨初風乍。知不知對春思念他。倚闌干海棠花下。

趙善慶一首

沉醉東風 秋月湘陰道中

元曲三百首

山對面藍堆翠岫。草齊腰綠染沙洲。傲霜橘柚青。濯雨蒹葭秀。隔滄波隱隱江樓。點破瀟湘萬頃柳。是幾葉兒傳黃敗柳。

張可久四十二首

水仙子 次韻

蠅頭老子五千言。鶴背揚州十萬錢。白雲兩袖吟魂健。賦莊生秋水篇。布袍寬風月無邊。名不上瓊林殿。夢不到金谷園。海上神仙。

水仙子 山齋小集

玉笙吹老碧桃花。石鼎烹來紫筍芽。山齋看了黃荃畫。茶蘼香滿把。自然不尙奢華。醉李白名千載。富陶朱能幾家。貧不了詩酒生涯。

水仙子 樂閑

鐵衣披雪紫金關。絲絳題花白玉欄。漁舟棹月黃蘆岸。幾般兒君試揀。立功名只不如閑。李翰林身何在。許將軍血未乾。掃山風千古巖灘。

水仙子 歸興

淡文章不到紫微郎。小棹柳花飛白玉堂。遠功名却怕黃茅瘴。老來也思故鄉。想途中夢感魂傷。雲裏張公嶺。浪淘淘楊子江。水茫茫山長。

折桂令 九

對青山強整烏紗。綠雁橫秋。倦客思家。翠袖殷勤。金杯錯落。玉手琵琶。人老去西風白髮。蝶愁來明日黃花。回首天涯。一抹斜陽。數點寒鴉。

折桂令 次陸肅韻

倚闌干不盡興亡。數九點齊州。八景湘江。弔古詞香。招仙笛響。引興杯長。遠樹雲烟渺茫。空山雪月蒼涼。白鶴雙雙。劍客昂昂。錦語琅琅。

滿庭芳 客中九日

乾坤俯仰。賢愚醉醒。今古興亡。劍花寒夜坐歸心壯。又是他鄉。九日明朝酒香。一年好景橙黃。龍山上。西風樹響。吹老鬢毛霜。

普天樂 秋懷

爲誰忙。莫辭令。西風驟馬。落月書燈。青天蜀道難。紅葉吳江冷。兩字功名頻看鏡。不饒人白髮星星。釣魚子陵。思韓李薦。笑我飄零。

塞兒令 次韻

你見麼。我愁他。青門幾年不種瓜。世味嚼蠟。塵事團沙。聚散樹頭鴉。自休官清煞陶家。爲調羹俗了梅花。飲一杯金谷酒。分七碗玉川茶。噤。不強如坐三日縣官衙。

殿前勑 次酸齋韻 一首

釣魚臺。十年不上野鷗猜。白雲來往青山在。對酒開懷。欠伊周濟世才。犯劉阮貪杯戒。還李杜吟詩債。酸齋笑我。我笑酸齋。

喚歸來。西湖山上野猿哀。二十年多少風流怪。花落花開。望雲霄拜將臺。袖星斗安邦策。破煙月迷魂寨。酸齋笑我。我笑酸齋。

殿前歡 離思

月籠沙。十年心事付琵琶。相思懶看幃屏畫。人在天涯。春殘萱蔻花。情寄鴛鴦帕。香冷茶蘼架。舊遊臺榭。曉夢窗紗。

殿前歡 客中

望長安。前程渺渺鬢斑斑。南來北往隨征雁。行路艱難。青泥小劍關。紅葉溫江岸。白草連雲棧。功名半紙。風雪千山。

清江引 春思

黃鶯亂啼門外柳。雨細清明後。能消幾日春。又是相思瘦。梨花小窗人病酒。

清江引 春晚

平安信來剛半紙。幾對鴛鴦字。花開望遠行。玉減傷春事。東風草堂飛燕子。

小桃紅 寄鑑湖諸友

一城秋雨豆花涼。閒倚平山望。不似年時鑑湖上。錦雲香。採蓮人語荷花蕩。西風雁行。清

溪漁唱。吹恨入滄浪。

朝天子 山中雜書

醉餘。草書。李愿盤谷序。青山一片范寬圖。怪我來何暮。鶴骨清癯。蝸殼還廬。得安閑心自足。寒驢。酒壺。風雪梅花路。

朝天子 湖上

柳盃。玉醅。夢冷蘆花被。風清月白總相宜。樂在其中矣。壽過顏回。飽似伯夷。閒如越范蠡。問誰。是非。且向西湖醉。

朝天子 閨情

與誰。畫眉。替破風流謎。銅駝巷裏玉聰嘶。夜半歸來醉。小意收拾。怪膽矜持。不識羞誰似你。自知理虧。燈下和衣睡。

紅繡鞋 春日湖上

綠樹當門酒肆。紅粧映水鬢兒。眼底殷勤座間語。塵埃三五字。楊柳萬千絲。記年時曾到此。

紅繡鞋 湖上

無是無非心事。不寒不暖花時。粧點西湖似西施。控青絲玉面馬。歌金縷粉團兒。信人生行樂耳。

紅繡鞋 天台瀑布寺

鳴玉佩。凌烟圖畫。樂雲村。投老生涯。少年誰識故侯家。青蛇昏寶劍。團錦碎袍花。飛龍開戰馬。

沉醉東風 秋夜旅思

二十五點秋更鼓聲。千三百里水館郵程。千山去路長。紅樹西風冷。百年人半紙虛名。得似璚源閣上僧。午睡足。梅窗日影。

天淨沙 魯卿庵中

青苔古木蕭蕭。蒼雲秋水迢迢。紅葉山齋小小。有誰曾到。探梅人過溪橋。

慶東原 次馬致遠先聲韻

詩情放。劍氣豪。英雄不把窮通較。江中斬蛟。雲間射雕。席上揮毫。他得志笑閨人。他失脚閨人笑。

醉太平 失題

人皆嫌命窘。誰不見錢親。水晶環入麝熏盆。才沾粘便滾。文章糊了盛錢囤。門庭改做迷魂陣。清廉貶入睡鴛鴦。葫蘆提到穩。

迎仙客 括山道中

雲冉冉。草纖纖。誰家隱居山畔。水烟寒。溪路險。半幅青帘。五里桃花店。

凭闌人 蔡春即事

小玉闌干月半摺。嫩綠池塘春幾家。鳥啼芳樹丫。燕銜黃柳花。

凭闌人 江夜

江水澄澄江月明。江上何人搦玉箏。隔江和淚聽。滿江長歎聲。

落梅風 春晚

東風景。西子湖。濕冥冥柳烟花霧。黃鶯亂啼蝴蝶舞。幾秋千打將春去。

一半兒 秋日宮詞

花邊嬌月靜粧樓。葉底滄波冷翠溝。池上好風閒御舟。可憐秋。一半兒芙蓉一半兒柳。

梧葉兒 感舊

肘後黃金印。尊前白玉卮。躍馬少年時。巧手穿楊葉。新聲付柳枝。信筆和梅詩。誰換却何郎鬢絲。

小涼州 失韻

簾窗風急雨絲絲。笑煞吟髭。淮揚西望路何之。鱗鴻至。把酒問篙師。迎頭便說兵戈事。風流真莫追思。塌了酒樓。焚了茶肆。柳營花市。更呼甚燕子鶯兒。

金字經 感興

野唱敲牛角。大功懸虎頭。一劍能成萬戶愁。黃沙白鬪樓。成名後。五湖尋釣舟。

金字經 樂聞

百年渾似醉。滿懷都是春。高臥東山一片雲。嘆。是非拂面塵。消磨盡。古今無限人。

塞鴻秋 春情

疏星淡月秋千院。愁雲恨雨芙蓉面。傷心燕足留紅線。惱人鸞影閒團扇。獸爐沉水烟。翠沼殘花片。一行行寫入相思傳。

慶宣和 毛氏池亭

雲影天光乍有無。老樹扶疏。萬柄高荷小西湖。聽雨。聽雨。

賣花聲 懷古

美人自刎烏江岸。戰火曾燒赤壁山。將軍盜老玉門關。傷心秦漢。生民塗炭。讀書人一聲長嘆。

賣花聲 客況

十年落魄江濱客。幾度雷轟薦福碑。男兒未遇氣傷懷。憶淮陰年少。減楚爲帥。氣昂昂漢壇三拜。

漢東山 述感

紅粧聞翠娥。羅綺列笙歌。重重金玉多。受用也未哥。二鬼無常上門啊。怎地躲。索其他。見閻羅。

徐再思十三首

折桂令 春情

平生不會相思。才會相思。便害相思。身似浮雲。心如飛絮。氣若游絲。空一縷餘香在此。盼千金遊子何之。證候來時。正是何時。燈半昏時。月半明時。

殿前歡 觀音山眠松

老蒼松。避乖高臥此山中。歲寒心不肯爲梁棟。翠蜿蜒俯仰相從。秦皇舊日封。靖節何年種。丁固當時夢。半溪明月。一枕清風。

水仙子

一聲梧葉一聲秋。一點芭蕉一點愁。三更歸夢三更後。落燈花棋未收。歎新豐孤館人留。枕上十年事。江南二老憂。都到心頭。

水仙子 紅指甲

落花飛上筍牙尖。宮葉猶將冰筋粘。抵牙關越顯得櫻唇豔。怕傷春不捲簾。捧菱花香印粧奩。雪藕絲霞十縷。鏤粟斑血半點。搗剉郎春在纖纖。

水仙子 馬嵬坡

翠花香冷夢初醒。黃壤春深草自青。羽林兵拱聽將軍令。擁鸞輿蜀道行。妾雖亡天子還京。

昭陽殿梨花月色。建章宮梧桐雨聲。馬嵬坡塵土虛名。

清江引 相思

相思有如少債的。每日相催逼。常挑着一担愁。准不了三分利。這本錢見他時才算得。

凭闌人 春情

髻擁春雲鬆玉釵。眉淡秋山羞鏡臺。海棠開未開。粉郎來未來。

陽春曲 贈海棠

玉環夢斷風流事。銀燭歌成富貴詞。東風一樹玉胭脂。雙燕子。曾見正開時。

朝天子 西湖

裏湖。外湖。無處是無春處。真山真水真畫圖。一片玲瓏玉。宜酒宜詩。宜晴宜雨。銷金窩錦繡窟。老蘇。老逋。楊柳隄梅花墓。

梧葉兒 釣臺

龍虎昭陽殿。冰霜函谷關。風月富春山。不受千鍾祿。重歸七里灘。贏得一身閑。高似他雲台將壇。

梧葉兒 徵步

山色投西去。羈情望北遊。湍水向東流。雞犬三家店。陂塘五月秋。風雨一帆舟。聚車馬關津渡口。

梧葉兒 春思二首

芳草思南浦。行雲夢楚陽。流水恨瀟湘。花底春鶯燕。釵頭金鳳凰。被面繡鴛鴦。是幾等兒眠思夢想。

鴉鬢春雲髻。象梳秋月欹。鸞鏡曉粧遲。香漬青螺黛。盒開紅水犀。釵點紫玻璃。只等待風流畫眉。

曹明善三首

喜春來 和則明韻二首

春雲巧似山翁帽。古柳橫爲獨木橋。風微塵軟落紅飄。沙岸好。草色上羅袍。春來南國花如繡。雨過西湖水似油。小瀛洲外小紅樓。人病酒。料自下簾鉤。

玉梅數疊頻 題則明齋詩圖

先生醉也。童子扶者。有詩便寫。無酒重賒。由聲野調欲唱些。俗事休說。問青天借得松間月。陪伴今夜。長安此時春夢熱。多少豪傑。明朝鏡中頭似雪。烏帽難遮。星般大縣兒難棄捨。晚入廬山社。比及眉未攢。腰已折。遲了也去官陶靖節。

高克禮二首

元曲三首首

元曲三百首

三六

雁兒落帶得勝令

尋致爭不致爭。既言定先言定。論至誠俺至誠。你薄倖誰薄倖。豈不聞三尺有神明。忘義多應當罪名。海神廟現有他爲證。似王魁負桂英。穆可呵海誓山盟。繡帶裏難逃命。裙刀上更自刑。活取了個年少書生。

黃鶯微帶慶元貞 天寶遺事

又不曾看生兒長。便這般割肚牽腸。喚奶奶酪子裏賜賞。撮醋醋孩兒也弄璋。斷送他瀟瀟鞍馬出咸陽。只因他重重恩愛在昭陽。引惹得紛紛戈戟鬧漁陽。呀。三郎睡海棠。都只爲一曲舞霓裳。

鍾嗣成二首

罵玉郎帶過皇恩採茶歌 恨別

風流得遇鸞鳳配。恰比翼便分飛。綠雲易散琉璃脆。設揣地銀股折。斷琅地寶鏡虧。撲通地銀瓶墜。香冷金愁。燭暗羅幃。支刺地攪斷離腸。撲速地淹殘淚眼。吃搭地鎖定愁眉。天高雁杳。月皎烏飛。暫別離。且寧耐。好將息。你心知。我誠實。有心誰怕隔年期。去後須憑燈報喜。來時常聽馬頻嘶。

凌波曲 弔陳以仁

錢塘風物盡飄零。賴有斯人尙老成。爲朝元恐負虛皇命。鳳簫寒鶴夢驚。駕天風直上蓬瀛。芝堂靜。蕙帳清。照虛梁落月空明。

張養浩同首

紅繡鞋 警世二首

纔上馬齊聲兒喝道。只這的便是那送了人的根苗。直引到深坑裏恰心焦。禍來也何處躲。天怒也怎生饒。把舊來時威風不見了。

正膠漆當思勇退。到參商纔說歸期。只恐范蠡張良笑人癡。腆著胸登要路。睜著眼履危機。直到那其間誰救你。

山坡羊 潼關懷古

峯巒如聚。波濤如怒。山河表裏潼關路。望西都。意踟躕。傷心秦漢經行處。宮闕萬間都做土。興。百姓苦。亡。百姓苦。

慶東原

鶴立花邊玉。鶯鳴樹杪絃。喜沙鷗也解相留戀。一個衝開錦川。一個啼殘翠烟。一個飛上青天。詩句欲成時。滿地雲撩亂。

元曲三百首

三八

劉庭信七首

醉太平

泥金小簡。白玉連環。牽情惹恨兩三番。好光陰等閑。景闌珊繡簾風軟楊花散。淚蘭干綠窗雨灑梨花綻。錦纏斑香醞春老杏花殘。耐薄情未還。

塞鴻秋 悔悟

蘇卿寫下金山恨。雙生得箇風流信。亞仙不是夫人分。元和終受十年困。馮魁到底村。雙漸從來嫩。思量惟有王魁俊。

賽兒令 戒濃酒二首

沒算當。不得量。舒着樂心鑽套項。今日東牆。明日西廂。着你當不過連珠箭急三鎗。鼻凹裏抹上些砂糖。舌尖上送與些丁香。假若你是銅脊梁。者莫你是鐵扇膀。也擦磨成風月扣兒齋。

搭扶定。推磨杆。尋思了兩三番。把郎君幾曾是人也似看。只爭不背上馱鞍。口內銜環。肚頂上把套頭拴。咫尺的月缺花殘。滴溜着枕冷衾寒。早回頭尋個破綻。沒忽的得些空閑。荒撇下風月扣兒齋。

折桂令

想人生最苦是離別。三個字細細分開。淒淒涼涼無了無歇。別字兒半晌癡呆。離字兒一時拆散。苦字兒兩下裏堆疊。他那裏鞍兒馬兒身子兒劣怯。我這裏眉兒眼兒臉兒刁斜。側着頭叫一聲行者。攔着淚說一句聽者。得官時先報期程。丟抹抹遠遠迎接。

折桂令

想人生最苦別離。不肯能喜喜歡歡。翻做了哭哭啼啼。事到今朝。休言去後。且問歸期。看時節勤勤的飲食。沿路上好好的將息。嬌滴滴一捻兒年紀。穩穩當當下裏分飛。急煎煎盼不見雕鞍。呆笑孩軟弱身子已。

折桂令

想人生最苦離別。雁杳魚沉。信斷音絕。嬌模樣其實去抹。好時光誰曾受用。窮家活逐日綑拽。過了一百五日上墳的日月。只來到二十四夜祭灶的時節。寫寫寫終歲已結。孤孤另另徹夜咨嗟。勸歡喜喜盼的他回來。淒淒涼涼考了人也。

汪元亨七首

醉太平 歸隱四首

辭瀟樓鳳闕。納象簡烏靴。棟梁材取次盡摧折。沉竹頭木屑。結知心朋友著疼熱。遇忘懷詩酒追歡悅。見傷情光景放癡呆。老先生醉也。

曾奮蠅競血。惡黑蟻爭穴。急流中勇退。是豪傑。不因循苟且。歎烏衣一旦非王謝。怕青山兩岸分吳越。厭紅塵萬丈混龍蛇。老先生去也。

源流頭俊傑。骨髓裏驕奢。折垂楊幾度贈離別。少年心未歇。吞繡鞋。擲金錢。蓮的身軀。粉牆搭的腿。折。老先生害也。

度流光電掣。轉浮世風車。不歸來到大是癡呆。添鏡中白雪。天時涼。撚指天熱。花枝開。回首花枝謝。日頭高。眨眼日頭斜。老先生悟也。

沉醉東風

羅陳稻新春細米。採生蔬熟做酸醢。鳳棲殺鳳莫飛。龍臥死虎休起。不爲官。那堪伶仃。槿樹花。鑽繡短籬。倒勝似門排畫戟。

折桂令

二十年塵土征衫。鐵馬金戈。火鼠冰蠶。心不狂謀。言無妄發。事已多謬。黑似漆。前程黯黯。白如霜。衰髮鬢。氣化難參。譎詐難甘。冷笑淵明。高訪圖南。

朝天子

榮華夢一場。功名紙半張。是非海波千丈。馬蹄踏碎禁街霜。聽幾度頭雞唱。塵土衣冠。江湖心量。出皇家鱗鳳網。慕夷齊首陽。嘆韓彭未央。早納紙風魔狀。

周德清二首

紅繡鞋 春晚

蟾挑斜月明金轡。花壓春風短蒲簾。誰家簾影玉纖纖。粘翠靨。消息露眉尖。

喜春來 別情

月兒初上鵝黃柳。燕子先歸翡翠樓。梅魂休暖鳳香篝。人去後。鴛被冷堆愁。

任昱一首

紅繡鞋 春情

暗朱箔雨寒風峭。試羅衣玉減香銷。落花時節怨良宵。銀臺燈影淡。繡枕淚痕交。團圓春夢少。

李致遠二首

紅繡鞋 晚秋

夢斷陳王羅襪。情傷學士琵琶。又見西風換年華。數杯添淚酒。幾點送秋花。行人天一涯。

天淨沙 春閨

元曲三百首

畫樓徙倚闌干。粉雲吹做修鸞。璧月低懸玉灣。落花懶慢。羅衣特地春寒。

小桃紅 碧桃

穩華不喜污天真。玉瘦東風困。漢闕佳人足風韻。睡成痕。翠裙翦翦瓊肌嫩。高情厭春。玉容含恨。不賺武陵人。

馬九皋九首

水仙子

幾年無事傍江湖。醉倒黃公舊酒壚。人間縱有傷心處。也不到劉伶墳土上。醉鄉中不辨賢愚。對風流人物。看江山畫圖。不醉倒何如。

殿前歡

熱冰髭。遠孤山枉了費尋思。自逋仙去後無高士。冷落幽姿。梅花不要詩。休說推敲字。效殺鸞難似。知他是西施笑我。我笑西施。

殿前歡

醉歸來。袖春風下馬笑盈腮。笙歌接到朱簾外。夜宴重開。十年前一秀才。黃齏菜。打熬做文章伯。施展出江湖氣概。抖擻出風月情懷。

山坡羊

驚人學業。掀天動地。是英雄成敗殘杯炙。鬢堪嘆。雪難遮。晚來攬鏡中腸熱。問著老天無話說。東。沉醉也。西。沉醉也。

山坡羊

大江東去。長安西去。爲功名走遍天涯路。厭舟車。喜琴書。早星星鬢影瓜瓞。心待足時名便足。高。高處苦。低。低處苦。

塞鴻秋 凌敲靈漢

凌敲臺畔黃山鋪。是三千年舞無家處。望夫山下烏江渡。教八千子弟思鄉去。江東日暮雲。渭北春天樹。青山太白墳如故。

慶東原 西皋亭適興

興爲催租敗。歡因送酒來。酒醒時。興與依然在。黃花又開。朱顏未衰。正好忘懷。管甚有監州。不可無鱗蟹。

山坡羊 西澗雜詠

山光如澱。湖光如練。一步一箇生綃面。叩蓮仙。訪坡仙。揀西湖好處都遊遍。管甚月明歸路遠。船。休放轉。杯。休放淺。

晴雲輕漾。薰風無浪。閑尊避暑爭相向。映湖光。逞新粧。笙歌鼎沸南湖蕩。今夜且休回畫舫。風。滿漣涼。蓮。入夢香。

鄧玉賓二首

叨叨令 道情

一個空皮囊包裹著千重氣。一個乾骷髏頂戴著十分罪。爲兒女使盡了拖刀計。爲家私費盡了担山力。你省的也麼哥。你省的也麼哥。這一箇長生道理何人會。

雁兒落 帶得勝令 閑適

乾坤一轉丸。日月雙飛箭。浮生夢一場。世事雲千變。萬里玉門關。七里釣魚灘。曉日長安近。秋風蜀道難。休干。誤殺英雄漢。看看。星星兩鬢斑。

查德卿十首

寄生草 感世

姜太公賤賣了磻溪岸。韓元帥命博得拜將壇。羨傅說守定岩前版。歎寧戚吃了桑間飯。勸豫讓吐出喉中炭。如今淩烟閣一層一箇鬼門關。長安道一步一箇連雲棧。

寄生草 間別

姻緣簿翦做鞋樣。比翼鳥搏了翅翰。火燒殘連理枝成炭。針簽睛比日魚兒眼。手揉散並蒂蓮花瓣。擲金釵斷斷鳳凰頭。遶池塘接碎鴛鴦彈。

一半兒 擬美人八詠

梨花雲繞錦香亭。蝴蝶春融軟玉屏。花外鳥啼三四聲。夢初驚。一半兒昏迷一半兒醒。春夢
瑣窗人靜日初曛。寶鼎香消火尚溫。斜倚繡牀深閨門。眼昏昏。一半兒微開一半兒盹。春困
自將楊柳品題人。笑煞花枝比較春。輸與海棠三四分。再偷勻。一半兒胭脂一半兒粉。春粧
厭聽野雀語雕簷。怕見楊花撲繡簾。穿起繡針還倒拈。兩眉尖。一半兒微舒一半兒歛。春愁
海棠紅暈潤初妍。楊柳纖腰舞自偏。笑倚玉奴嬌欲眠。粉郎前。一半兒支吾一半兒軟。春醉
綠窗時有睡絨粘。銀甲頻將綠線撚。繡到鳳凰心自嫌。按春纖。一半兒端相一半兒掩。春醉
柳綿撲檻晚風輕。花影橫窗淡月明。翠被麝蘭薰夢醒。最關情。一半兒溫馨一半兒冷。春夜
自調花露染霜毫。一種春心無處託。欲寫又停三四遭。絮叨叨。一半兒連真一半兒草。春情

吳西逸門首

殿前歡

懶雲巢。碧天無際雁行高。玉鶯鶯背青松道。樂笑遊遨。溪翁解冷談嘲。山鬼放擲揄笑。村
婦唱糊塗調。風濤險我。我險風濤。

殿前歡

懶雲四。按行松菊訊桑麻。聲名不在淵明下。冷淡生涯。味偏長風韻茶。夢已隨蝴蝶化。身

不入麒麟畫。鶯花厭我。我厭鶯花。

雁兒落帶過得勝令

春花聞杜鵑。秋月看歸燕。人情薄似雲。風景疾如箭。留下買花錢。嚮入桃桑園。茅蓋三間廈。秧肥數頃田。牀邊放一牀冷淡淵明傳。窗前鈔幾首清新杜甫篇。

梧葉兒

春情

香隨夢。肌褪雪。錦字記離別。春去情難再。更長愁易結。花外月兒斜。淹粉淚微微睡些。

孫周卿三首

永仙子

山居自樂

朝吟暮醉兩忘官。花落花開總不知。虛名嚼破無滋味。比閑人惹是非。淡家私付與山妻。水碓裏春來米。山莊上線了雞。事事休提。

沉醉東風

宮詞二首

雙拂黛。停分翠羽。一窩雲半吐犀梳。寶鴨香。羅襦素。海棠嬌睡起誰扶。腸斷春風倦繡圖。生怕見紗窗睡縷。花月下溫柔醉人。錦堂中笑語生春。眼底情。心間恨。倒多如楚雨巫雲。門掩黃昏月半痕。手抵著牙兒白晒。

王元鼎一首

醉太平 寒食

聲聲啼乳鴉。生叫破韶華。夜深微雨潤隄沙。香風萬家。畫樓洗淨鴛鴦瓦。綵繩半濕秋千架。覺來紅日上窗紗。聽街頭賣杏花。

阿魯威一首

落梅風

千年態。一旦空。惟有紙錢灰晚風吹送。儘蜀鵲啼血烟樹中。喚不同一場春夢。

衛立中一首

殿前歡

碧雲深。碧雲深處路難尋。數椽茅屋和雲賃。雲在松陰。掛雲和有八尺琴。臥苔石將雲根枕。折梅蕊把雲梢沁。雲心無我。雲我無心。

李伯瞻一首

殿前歡 省悟

元曲三百首

去來兮。黃雞啄黍正秋肥。尋常老瓦盆邊醉。不記東西。教山童替說知。權伏罪。老弟兄行都申意。今朝闔閭。來日回席。

趙顯宏四首

晝夜樂冬

風送梅花過小橋。飄飄飄地亂舞瓊瑤。水面上流將去了。覷絕似落英無消耗。似那人水遠山遙。怎不焦。今日明朝。今日明朝。又不見他來到。

殿前歡 閑居二首

去來兮。東林春盡蕨芽肥。回頭那顧名和利。付與希夷。下長生不死棋。養三寸元陽氣。落一覺渾淪睡。鶯花過眼。鷓鴣忘機。

去來兮。桃花流水鱖魚肥。山蔬野菜偏滋味。旋潑新醅。胡尋些東與西。拚了個醒而醉。不管他天和地。盆乾鷓鴣。方許逃席。

殿前歡 歌者楚雲

楚雲閑。任他孤雁叫蒼寒。去留舒卷無心慣。聚散之間。趁西風出遠山。隨急水流深澗。爲暮雨迷霄漢。陽臺事已。秦嶺飛還。

景元啟一首

殿前勸梅花

月如牙。早庭前疏影印窗紗。逃禪老筆應難畫。別樣清佳。據胡牀再看瓊。山妻罵。爲甚情牽掛。大都來梅花是我。我是梅花。

趙祐一首

折桂令

長江浩浩東來。水面雲山。山上樓台。山水相輝。樓台相映。天地安排。詩句就雲山動色。酒杯傾天地忘懷。醉眼睜開。遙望蓬萊。一半烟遮。一半雲埋。

呂止軒一首

醉扶歸

頻去教人講。不去自家忙。若得相思海上方。不道得害這些閑磨障。你笑我眠思夢想。只不打倒你頭直上。

吳仁卿弘道二首

元曲三百首

撥不斷

泛仙槎。寄生涯。長江萬里秋風駕。稚子和煙煮嫩茶。老妻帶月包新鮓。醉時閑話。利名無。宦情疏。彭澤升斗微官祿。蠹魚食殘架上書。曉霜荒盡籬邊菊。罷官歸去。

錢霖二首

清江引

夢回畫長簾半卷。門掩茶蘼院。蛛絲掛柳綿。燕嘴粘花片。啼鴛一聲春去遠。恩情已隨紈扇歇。攢到愁時節。梧葉一聲秋。砧杵萬家月。多的是幾聲兒簷外鐵。

顧德潤一首

醉高歌

長江遠映青山。回首難窮望眼。扁舟來往蒹葭岸。烟鎖雲林又晚。

曾瑞一首

醉太平

相邀士夫。笑引奚奴。擁金門外過西湖。寫新詩弔古。蘇堤堤上尋芳樹。斷橋橋畔沽醪醕。

孤山山下醉林逋。瀟梨花暮雨。

楊朝英三首

水仙子 自況

杏花村裏舊生涯。瘦竹疏梅處士家。深耕淺種收成罷。酒新菊魚旋打。有雞豚竹筍簾花。客到家常飯。僧來谷雨茶。閒時節自煉丹砂。

清江引

秋深最好是楓樹葉。染透猩猩血。風釀楚天秋。霜浸吳江月。明日落紅多去也。

梧葉兒

簫頭溜。窗外聲。直響到天明。滴得人心碎。聒得人夢怎成。夜雨好無情。不道我愁人怕聽。

劉燕歌一首

太常引

故人別我出陽關。無計鎖雕鞍。今古別離難。蹙損了蛾眉遠山。一尊別酒。一聲杜宇。寂寞又春殘。明月小樓閒。第一夜相思淚彈。

輿敦周卿一首

折桂令

西湖烟水茫茫。百頃風潭。十里荷香。宜雨宜晴。宜西施淡抹濃粧。尾尾相銜畫舫。儘歡聲無日不笙簧。春暖花香。歲稔時康。眞乃上有天堂。下有蘇杭。

阿里西瑛二首

殿前歡 懶雲窩自敘

懶雲窩。醒時詩酒醉時歌。瑤琴不理拋書臥。儘自磨陀。想人生待則麼。富貴似花開落。不落如何。呵呵笑我。我笑呵呵。
懶雲窩。客云待如何。懶雲窩裏和衣臥。儘自婆娑。想人生待則麼。貴比我高些箇。富比我
湏些箇。呵呵笑我。我笑呵呵。

鮮于必仁二首

案兒令

漢子陵。看淵明。二人到今香汗青。釣叟誰稱。農夫誰名。去就一般輕。五柳莊月朗風清。

七里灘浪穩潮平。折腰時心已愧。伸脚處夢先驚。千萬古聖賢評。

折桂令 諸葛武侯

草廬當日樓桑。任虎戰中原。龍臥南陽。八陣圖成。三分國峙。萬古鷹揚。出師表謀謨廟堂。梁父吟感歎巖廊。成敗難量。五丈秋風。落日蒼茫。

張子堅一首

得勝令

宴罷恰初更。擺列着玉娉婷。錦衣搭白馬。紗籠照道行。齊聲。唱的是阿納忽時令。酒且休斟。俺待攬銀鞍馬上聽。

馬謙齋一首

塞兒令 數世

手自搓。劍頻磨。古來丈夫天下多。青鏡塵生。白首蹉跎。失志困衡窩。有聲名誰識廉頗。廣才學不用蕭何。忙忙的逃海濱。急急的隱山阿。今日箇平地起風波。

薛昂夫二首

楚天遙帶過清江引

屈指數春來。彈指驚春去。蛛絲網落花。也要留春住。春若有情應解語。問着無憑據。江東日暮。渭北春天樹。不知那搭兒是春住處。有意送春歸。無計留春住。明年又著來。何似休歸去。桃花也解愁。點點飄紅雨。目斷楚天遙。不見春歸路。春若有情春更苦。暗裏韶光度。夕陽山外山。春水渡旁渡。不知那搭兒是春住處。

嚴忠濟一首

天淨沙

寧可少活十年。休得一日無權。大丈夫時乖命蹇。有朝一日天隨人願。賽田文養客三千。

無名氏三十五首

水仙子 遺懷

百年三萬六千場。風雨憂愁一半妨。眼兒裏關心兒上想。教我鬢邊絲怎地當。把流年仔細推詳。一日一個淺斟低唱。一夜一個花燭洞房。能有得多少時光。

寄生草 閑評

問甚麼虛名利。管甚麼閑是非。想着他擊珊瑚剗錦帳石崇勢。只不如卸羅襪納象簡張良退。

學取他枕清風抱明月陳搏睡。看了那吳山青似越山青。倒不如今朝醉了明朝醉。

梧葉兒

秋來到。漸漸涼。寒雁兒往南翔。梧桐樹。葉又黃。好淒涼。繡被兒空閑了半張。

喜春來

寬裁衫襟安排瘦。淡掃蛾眉准備愁。思君一度一登樓。凝望久。雁過楚天秋。

叨叨令

黃塵萬古長安路。折碑三尺邨山墓。西風一葉烏江渡。夕陽十里邯鄲樹。老了人也麼哥。老了人也麼哥。英雄盡是傷心處。

叨叨令

綠楊隄畔長亭路。一樽酒罷青山暮。馬兒離了車兒去。低頭哭罷擡頭覷。一步步遠了也麼哥。夢回酒醒人何處。

叨叨令

溪邊小徑舟橫渡。門前流水清如玉。青山隔斷紅塵路。白雲滿地無尋處。說與你尋不得也麼哥。說與你尋不得也麼哥。却原來儂家鷓鴣洲邊住。

紅繡鞋

又不是天魔鬼祟。又不是觸犯神祇。又不曾坐筵席傷酒共傷食。師婆每醫的邪病。大夫每治

的沉疾。可教我羞答答說甚的。

寨兒令

鶯帳裏。夢初回。見猶神幾尊惡像儀。手執金鎚。鬼使跟隨。打着面獨脚皂纛旗。犯由牌寫得精細。劈先裏余下王魁。省會了陳殿直。李勉那厮也聽者。奉帝勅來斬你夥負心賊。

喜春來

江山不老天如醉。桃李無言春又歸。人生七十古來稀。圖甚的。尊有酒且舒眉。

普天樂

木犀風。梧桐月。珠簾鸚鵡。繡枕蝴蝶。玉人嬌一晌歡。碧醪釀十分悅。斷角疏鐘淮南夜。撼西風喚起離別。知他是團圓也。夢也。歡娛也。醉也。煩惱也。醒也。

塞鴻秋 春怨

腕冰消鬆却黃金釧。粉脂殘淡了芙蓉面。紫霜毫蘸濕端溪硯。斷腸詞寫在桃花扇。風輕柳絮天。月冷梨花院。恨鴛鴦不鎖黃金殿。

雁兒落帶過得勝令 指甲

宜將鬪草尋。宜把花枝浸。宜將繡線撚。宜把金針紉。宜操七弦琴。宜結兩同心。宜托腮邊玉。宜圈鞋上金。難禁。得一搯通身心。知音。治相思十個針。

雁兒落帶過得勝令

一年老一年。一日沒一日。一秋又一秋。一輩催一輩。一聚一離別。一喜一傷悲。一榻一身臥。一生一夢裏。尋一夥相識。他一會咱一會。都一般相知。吹一回唱一回。

醉太平

利名場事冗。林泉下心沖。小柴門畫戟古城東。隔風波數重。華山雲不到陽臺夢。磻溪水不接桃源洞。洛陽城不到武夷峯。老先生睡濃。

醉太平

急烹翻劇徹。險餓死靈輟。今人全與古人別。漸學些個轉折。掠胡蜂赤緊冤了毒蝎。釣鯨鰲不上拽了柴籃。打青鸞無計撲了蝴蝶。老先生手拙。

醉太平

近三叉道北。傍獨木橋西。盤開數畝養魚池。編一遭槿籬。蜂兒值早衙催釀就殘花蜜。鶯兒啼曙光移夢遶蘆花被。燕兒飛矮簾低衙入落花泥。老先生未起。

醉太平

南華經看徹。東晉帖觀絕。西涼州美醞一壺竭。蠟紅燈照者。木棉雪被春初熱。沉檀熏母香慵熱。梅花斗帳月兒斜。老先生睡也。

醉太平 春雨

阻鶯儔燕侶。漬蝶翅蜂鬚。東風簾幙冷珍珠。寒生院宇。響琮琤滴碎瑤階玉。細溼濃潤透紗

窗綠。濕模糊洗淡畫闌朱。這的是梨花暮雨。

醉太平

看白雲萬丈。映翠竹千竿。賦歸來飽餽兩三餐。兒韶光過眼。怕行舟遠使追張翰。倦登樓爛醉思王粲。緊關門高臥袁安。老先生意懶。

沉醉東風

維揚懷古

錦帆落天涯那搭。玉簫寒江上誰家。空樓月慘悽。古殿風蕭灑。夢兒中一度繁華。滿耳邊聲趣暮笳。再不見看花駐馬。

沉醉東風

拂水面千條柳線。出牆頭幾朵花枝。醉看雨後山。醒入橋邊肆。正江南燕子來時。到處亭台好賦詩。少幾個知音在此。

沉醉東風

垂柳外低低粉牆。燭花前小小牙牀。鎖春寒翡翠屏。藏夜月芙蓉帳。幾般兒不比尋常。回首桃源路渺茫。手抵著牙兒慢想。

折桂令

嘆世間多少癡人。多是忙人。少是閑人。酒色迷人。財氣昏人。纏定活人。缺兒鼓兒終日送人。車兒馬兒常時迎人。精細的瞞人。本分的饒人。不識時人。枉只爲人。

清江引 牡丹

寂寞一枝三四花。弄色書窗下。爲着沉香迷。夢見馬嵬怕。且潛身住在居士家。

清江引 秋花

睡起不禁霜月苦。離菊不相妒。恰與東風別。又被西風誤。教他這粉蝶兒無去處。

山坡羊

淵明圖醉。陸搏貪睡。此時人不解當時意。志相違。事難隨。由他醉者由他睡。今朝世態非昨日。賢。也任你。愚。也任你。

山坡羊

馳驅何甚。乖離忒恁。風波猶自連頭浸。自沉吟。莫追尋。田文近日多門禁。炎涼本來一寸心。親。也在您。疎。也在您。

凭闌人

點破蒼苔牆角瑩。戰邊西風簷外鈴。畫樓秋露清。玉闌樹葉客。

紅衲襖

那老子彭澤縣帽坐衙。倦將文卷押。數十日不上馬。柴門掩上頭。籬下看黃花。愛的是綠水青山。見一箇白衣人來報。來報五柳莊幽靜煞。

賀聖朝

春夏間遍郊原桃杏繁。用盡丹青圖畫難。道童將驢韁上鞍。忍不住只恁般頑。將一箇酒葫蘆楊柳上拴。

玉交枝

休爭閑氣。都只是南柯夢裏。想功名到底成何濟。總虛脾。幾人知。百般乖不如一就癡。十分醒爭似三分醉。只這的是人生落得。不受用圖個甚的。

殿前喜

謫仙醉眼何曾開。春眠花市側。伯倫笑口尋常開。荷鍾埋。曾何礙。糟丘高壘葬殘骸。先生也快哉。

駐馬聽

月小潮平。紅蓼灘頭秋水冷。天空雲淨。夕陽江上亂峯青。一蓑全却子陵名。五湖救了鴟夷命。塵勞事不聽。龍蛇一任相吞併。

清江引

春夢覺來心自警。往事般般應。愛煞陶淵明。笑煞胡安定。下梢頭大都來不見影。

醉太平

堂堂大元。姦佞專權。開河變鈔禍根源。惹紅巾萬千。官法濫刑法重黎民怨。人喫人鈔買鈔曾見。賊做官官做賊混愚賢。哀哉可憐。